

鎮南州志 戊

卷 五

祠祀略

典祀 俗祀

寺觀

卷 六

武備略

戎事 兵防

鎮南州志略卷之五

祠祀略

祀典散見於六經而莫詳於周官戴記至於史家所錄則龍門之封禪書司馬彪之祭祀志其最著矣州縣志書雖不得比於正史然治民事神胥關守土之責用牲用幣具見禮制之精祀典所在亦烏可略而不紀哉若夫民間之春秋祈報疾病禳禱以及禪林道院之香火雖非祀典而民俗於斯驗焉勝境於斯紀焉則亦記載所必詳也作祠祀畧典祀一俗祀二寺觀三

典祀

續漢志曰祭祀之道自生民以來則有之矣豺獭知祭而況人乎哉夫人受生於天地秉氣於陰陽日月星辰實照臨之山川社稷實庇佑之先聖先賢垂經籍以教化之而名宦鄉賢與夫忠孝節義之人又爲之禦災患立人紀以捍衛而表率之人道賴以扶持斯黍稷薦以馨香此典祀之所以爲重也鎮南自前明建學肇祀

先師迄於我

朝壇廟聿修禮制精詳有司承

鎮南州志

卷之五 祠祀畧典祀

二

制舉事犧牲粢盛莫敢不備雖洊經寇亂依然率由舊章所謂有其舉之莫敢廢有其廢之莫敢舉也茲故別乎俗祀彙纂成篇用示尊崇之意云

先師廟 詳建置略學校

社稷壇 在城南門外經亂圯廢

風雲雷雨山川壇 舊在城東一里後遷城南門外又遷城北門外經亂圯廢

關帝廟 在州署東初始無考康熙二十三年知州岑鶴重修四十二年知州陳元重修雍正十三年知州錢汧新建

後殿三間東西廂六間

文昌宮 在城正中三層樓前舊在今廣福寺嘉慶十九年遷今地大門久圯光緒十四年拔貢王楨文生郭兆燿廩生劉榮生張寶賢高承光周觀光耆民劉鍾玉倡州人公捐重建大門三間中起層閣奉魁神十六年州紳劉詠唐捐銀壹百兩重修月臺併莊飾窗格門扇

謹案遷建始末詳寺觀廣福寺條

倉聖祠 在文昌宮東嘉慶十年學正樂元芳訓導張誕倡州人公建經亂被燬

鎮南州志

卷之五祠祀畧典祀

三

先農壇 在城東一里地名大楸樹經亂圯廢

謹案藉田詳建置畧官署

武侯祠 舊在城西後移祀西城樓又移祀鸚鵡山經亂被燬

魁星閣 在學宮東咸豐間經亂被燬光緒二年州貢生呂海樵倡州人公建

鄉賢名宦祠 在學宮大成門外咸豐間經亂被燬光緒十四年知州易爲霖倡捐重建

忠義孝弟祠 在學宮戟門外經亂被燬

節烈祠 在學宮戟門外經亂被燬

城隍祠舊 在州城南生員黃廷佐建兵燹圯廢康熙二年知州彭程漢改建於州署東十年知州卞廷松重修二十三年知州岑鶴增修正寢三左右廂各六大門三二門三三十八年知州陳元重修乾隆六年署知州葛慶曾先後增修道光二十三年州人公修後殿三間左右廂各六間咸豐間經亂傾圯同治十二年州人李芳梅重修

厲壇 在城北半里經亂圯廢

土地祠 在州署儀門東明洪武十五年建光緒十年知州

易爲霖重修

案牘祠 在州署儀門內東偏明洪武十五年建

俗祀

記曰非所祭而祭之謂之淫祀淫祀無福今之俗祀所謂淫祀也惑於道家科教之說則妄事祈禳矣惑於釋氏輪迴之說則侈言布施矣甚至災祥疾病一聽巫覡之爲酒醴牲牢致諸淫昏之鬼邀福愈甚人心愈偷而民財亦愈匱是王道之蠹也茲徧採民間齋醮祈禱之事錄爲一篇以俗祀目之庶與典祀無相混云

松華會 會期定於午年凡十二年一舉以正月初五日起至正月十二日止居民皆齋戒斷葷城內設壇十餘處諷

經演戲觀者走集遠鄉皆至

清醮會 凡一年一舉三月十二日起至十五日止散會之日粧神像者六人跨馬徧遊街道又有粧鬼隸者十數人前後簇擁入人家逐疫焉

油神會 城西昭應山有石刻土主像每年二月初一日士女禱祀者以油澆神像謂之油神會

黑泥洗澡會 城西南一百五十里黑泥山有溫泉每年自正月至三月遠近男婦來此就浴皆各備牲醴禱祀求福
西山寺會 元旦士女齊集城西西山寺拜禱上元亦然

燒香會 城西北四十里有燒香山峯巒秀拔形如筆架可望數百里土人建廟於其巔每歲燒香祀神

東嶽會 每歲三月二十八日於城東東嶽廟建會士女往觀商貨俱集

南斗會 每年六月初一至初六建南斗會於三層樓民間齋戒斷葷

北斗會 每年九月初一至初十日建北斗會儀與南斗會同

觀音會 每年二月十九日大士閣白衣閣觀音閣觀音洞

諸處皆建會婦女入會進香者來往不絕又每月十九日城內婦女齊集大士閣諷佛經

土主會 每年正月初八南界雨露村建土主會雜陳百戲商貨雲集士女往觀

寺觀

官所蒞之局謂之寺臺上有樓可以觀遠者謂之觀寺觀之名非指二氏所居也漢明帝時攝摩騰以白馬駝經自西域來止於鴻臚寺遂取寺之名爲建白馬寺後世沿襲其名凡梵刹皆曰寺矣漢武帝信公孫卿之言謂仙人好樓居於是作蜚廉桂觀於長安作益延壽觀於甘泉後世亦沿襲其名凡道宮皆曰觀矣夫寺觀亦烏足誌哉然緇流黃冠之所居每多佳境而騷人墨客之題詠半留名山況鎮南爲濮蠻舊地承南詔遺風崇信釋道故廣福棲仙

諸寺皆建自元時歷年久遠是亦考古者所不廢也特詳採之

玉皇閣 在城正中一名三層樓舊志謂州城如船中建層樓高聳如桅以鎮之卽此舊爲廣福寺後殿建自元時明季沙定洲之亂被燬康熙二十四年知州岑鶴重建嘉慶間災道光十二年州人公建

廣福寺 在城東北明倫堂右舊在城正中今三層樓卽其後殿建自元時規模宏敞爲州境諸寺之冠明末沙定洲之亂被燬康熙十二年知州卞廷松土官段光贊重建乾

隆四十七年遷城南門內嘉慶十九年遷今地

謹案寺舊在今三層樓乾隆中官紳遷學宮於寺而以南門內之舊學宮易之嘉慶間學宮遷還南門內舊地又遷文昌宮於三層樓前遂以舊文昌宮爲寺今之廣福寺實舊日之文昌宮也

東嶽廟 在城東南二里舊和子城明永樂間楮子文施予

保建

謹案予保劉階舊志作子保今遵陳元舊志

天順宏治間劉道眞王道明

重修嘉靖間黃廷佐重修子肇熙繼修道光十三年州人

公修咸豐間經亂被燬同治十一年州人李芳梅重建正

殿三間光緒四年州眾重建 五皇宮三間右廊四間大

門三間十六年州眾重建 東嶽殿前左右廊各七間大

門三間 五雷殿三間 天符殿三間 三仙殿二間

地藏殿三間 曹官殿三間并建照壁兼瘞神像

靈官廟 在城西五里前臨苴水右有平彝橋爲迤西來往

大路行人禱祈者甚眾香火極盛明彭載信等捐建中甸

同知余某重修乾隆五十四年管理甯臺廠曹湛晞捐修

正殿四十九年東川府蕭文言

謹案文言或係東川府人民舊知

未經載明俟考

建寺外東西兩排樓道光八年住持僧淨洋重修

咸豐間經亂被燬同治初重建正殿光緒五年提督楊玉

科捐資重建東西廂及大門

財神廟舊 在城南門內文廟左州庠生黃肇熙建康熙七年吏目周成德率眾重修咸豐間經亂被燬同治中回匪建清真寺於城西南隅亂平州人改爲財神廟

大士閣 在城西南隅財神廟後光緒二年州人張寶齡吳東林朱嘉祥朱建邦等倡建因巖構閣竹木陰濃石徑縈紆城市山林洵稱佳境

白衣閣 在城西門外初始無考咸豐間經亂被燬光緒十年公捐重建十四年州人張鴻鑑戴德焯等倡募佛像

觀音閣 在城西五里靈官廟左明萬曆間知州周國庠建咸豐中經亂被燬光緒元年重建

馬王廟 在城內書院街咸豐間經亂被燬

藥王廟 在城內舊元壇廟內咸豐間經亂被燬

普照寺 在城東二十五里元時建明初沐黔國重修永樂間僧惟一崇禎間僧淨度先後繼修寺後有玉皇閣高三層宏敞壯麗係元時舊物經亂被燬光緒八年里人公捐重建

樓仙寺 在城東二十五里五樓山麓南詔時羽士王載元張明亨棲止於此載元仙去明亨隨亦羽化寺因此得名

建自元時明萬曆間僧海潮重修地震傾圮僧廣宏重修

謹案載元明亨事
詳人物略仙釋

極樂寺 在城南三十里地名天城嘉靖三十五年僧慧定

建土同知段明柱重修

龍泉寺 在城西二十五里明萬曆間僧雲虛建災燬光緒十七年檀越王丕佑重建

斗山寺 在城東三十里康熙三十二年監生李植修

白龍寺 在城西十五里萬曆間僧三藏客民彭稜同修後

被燬嘉慶間重修

西山寺 在城西五里明萬曆間僧宗悉建康熙辛未武舉

徐乾元重修咸豐間經亂被燬光緒八年州人捐資重建
寺外有泉澄清如鑑知州陳元題曰寒泉映月爲州入境
之一

呂祖閣 在城西門外二里鸚鵡山巔後有土主廟閣在廟
前咸豐間經亂被燬同治十一年州人李芳梅重建後殿
十四年州人楊景春倡捐重修並建照壁

大乘寺 在城東三十里萬曆間僧惟則建地震傾圮康熙
三十二年土同知段光贊重修

龍頂寺 在城東南三十五里明崇禎間僧方達建楚雄縣

土縣丞楊宗儒重修

國朝謹案滇繫載楊宗儒傳子春盛平滇春盛投誠仍授世職以此考之則龍頂寺之建當

在崇禎初年重修當在崇禎末年也

寶珠寺 在城東五里明崇禎間僧妙德建咸豐間經亂被

燬光緒八年檀越廩生王文炳倡首重建

小天臺寺 在城東北四十里康熙間僧性善建知州陳元

有記

斗母閣 一在城北二里明崇禎間建乾隆間重修道光二

十六年重建後殿魁星閣經亂被燬同治中里人公捐重

建一在城西明萬曆間建康熙二十四年知府牛奐知州

岑鶴重修咸豐間經亂被燬

眾善庵 在城北三里明萬曆三年壽官楊露建

佛基寺 在城北十五里見性山康熙五年僧直往建知州

陳元有記光緒十四年僧衆重修

大智閣 在城北十二里創始無考明崇禎間客民陳鼎重

修經亂被燬光緒十六年州人公捐重建

宏願庵 在城東二十里俗名茶房寺崇禎間僧妙文建康

熙八年知府史光鑑重修康熙三十七年僧廣達重修咸

豐間經亂被燬

凌雲寺 在城南十五里河洞村後明萬曆辛卯年建崇禎三年王之藩等重修康熙三十八年土州同段光贊繼修接引庵 在城西五十里明崇禎間僧正方建康熙二十八年趙州知州陳光謬重修

菩提庵 在城西二十里康熙間建知州卞廷松有記

雲臺寺 在城北三十里雍正四年僧道讓建泉甘土沃山深林密號稱佳境

石洞寺 在城南一百五十里明萬曆甲申年土州同段明

柱建康熙六年舉人張如鳳重修二十四年里民羅佛慧重修寺內有石洞洞中有石磬擊之鏗然有聲左右石壁玲瓏瑰奇莫可名狀

來青閣 在城東南三里後倚崇山前臨苴水眼界空闊亦佳境也康熙壬辰年知州祖灝澤建後又增建百子閣道光庚子年州人公修咸豐間經亂被燬

竺國寺 在城北四里咸豐間經亂被燬光緒七年州人重建

蟠龍寺 一名指月庵在城北二十五里康熙四十八年僧

圓證友虔建成豐間經亂被燬光緒元年僧寂悟重建

白雲寺 在城西十五里明萬曆間僧妙用建久廢常住香

火田撥入夫馬局以備槽馬之費

蕭公廟 在州治東康熙八年江西客民余起等建光緒十

四年重修

南山寺 在城西沙橋驛創始無考經亂圯廢同治間重修

觀音寺 在城西沙橋驛創始無考經亂被燬光緒十五年

里人公捐重建

玉泉寺 在城南三十里

河尾寺 在城南三十里同治中里人楊廷瑞倡建

三華寺 在城西七里李子灣後山邑人歐錫黼捐資倡首

新建